


Muma Maler mar nyithindo Kelonu

Kane Nyasaye
ochueyo gik moko
duto



Ondike gi: Edward Hughes

Piche ogor gi: Byron Unger; Lazarus
Alastair Paterson

Otene gi: Bob Davies; Tammy S.

Oloke e dholuo gi: Ouma Grace

Ogole gi: Bible for Children
www.M1914.org


©2020 Bible for Children, Inc.

Laisens: Oyieni kopo kata goyo chapa sigana ni, to ok oyieni use.




Ng'ama ne ochueyowa? Muma Maler, maen wach Nyasaye, wachonua chakruok dhano. Kar chakruok Nyasaye ne ochueyo dhano mokuongo, ma omiye nying ni Adam. Nyasaye nochueyo Adam koa kuom lowo. Kane Nyasaye nokudho much ngima ne Adam, nobedo mangima. Ne oyudo ka en e puodho maber miluongo ni

Eden.



Kane Nyasaye pod ne ok ochueyo Adam, nochueyo piny ma opong'o gi gik mabeyo beyo. Odiechieng kodiechieng, Nyasaye nochueyo lum mang'ich, maupe mang'ue ng'ar, yiende maboyo boyo, winje mayiergi rieny, kich mafuyo, rech madongodongo manie nam togi kamnio maleny. Kuom adieri,



Nyasaye nochueyo gik moko
duto manitie.

E kar chakruok, kane Nyasaye
pod ok nochueyo gimoro
amora, Nyasaye owuon kende
emane nitie. Ne onge ji, ne
onge piny kata gimoro amora.
Ler ne onge kata
mudho bende ne
onge. Ne onge
piny kata malo.
Ne onge kiny kata
nyoro. Nyasaye,
maonge chakruokne,
emanenitie.



Kar chakruok, Nyasaye
nochueyo polo gi piny.



Piny ne onge kido,
kendo gimoro amora
ne onge ei piny.
Mudho mandiwa
notimo ataro
mang'ongo.


Eka
Nyasaye
nowacho
niya,
"Ler
mondo
obedie."



Eka ler nobetie. Nyasaye nochako ler ni odiechieng',
to mudho nochako ni Otieno. Piny noyuso kendo
noru, mi mano nodoko chieng' mokuongo.



Chieng' mar ariyo, Nyasaye nochoko pige mag nam
kanyachiel ebwo Polo. Chieng' mar adek, Nyasaye
nowacho ni, "Lowo motuo mondo onen." Mi nobet
kamano.



Nyasaye kendo nochiko lum gi maua gi buya gi yien
mondo onen. Mi ne gineno. Piny noyuso
kendo noru, mi mano nodoko
chieng' mar adek.



Bang'e Nyasaye nochueyo chieng'
gi dwe, gi sulwe mang'eny ma ok
kwanre. Piny noyuso kendo
noru, mi mano nodoko
chieng' mar ang'wen.



Maluwe, Nyasaye nuchueyo
gik nam mangima mopogore
opogore, gi rech gi winy.
Chieng' mar abich nochueyo
rech madongo gi rech matindo,
udo matiendegi boyo boyo,
gi winy matindo tindo mawer
kamor. Nyasaye nochueyo
rech makitgi opogore opogore
mondo opong' pige manie piny
to gi winy bende makitgi
opogore opogore mondo omor
e piny gi nam gi polo. Piny
noyuso kendo noru, mi mano
nodoko ndalo mar abich.



Bang mano, Nyasaye nowuoyo kendo. Nowacho ni, "Piny mondo onyuol gik mangima ..." Le makitgi opogore opogore gi kute gi gik mangima mamol nobetie. Liech mayiengo piny gi le matiyo matek. Ong'eche mohero tugo gi nyang' ma wuotho. Kute malak gi oyieyo mamilore. Tiga rabora gi paka ma tuaro. Nyasaye nochueyo le duto te chieng'no.

Piny noyuso kendo noru, mi mano nodoko chieng'
mar abich.



Nyasaye notimo gimoro machielo chieng mar auchiel ... gimoro maber ahinya. Gik moko duto ne koro oseikore ne dhano. Chiemo ne nitiere e puothe to gi le bende mondo otine dhano. Eka Nyasaye

nowacho niya, "Koro wachue dhano e kido machal kodwa.

Enobed gi teko kuom gik moko duto manie piny." KAMANO

NYASAYE NOCHUEYO


DHANO E KIDO

MACHALO KODE;

E KIDO MAR

NYASAYE

NOCHUEYE...



Nyasaye
nowachoni
Adam, "Cham
gimoro amora
moa e puodho.
Mak mana ni
kik icham
olemo manyiso
ber gi rach.
Ka ichame to
ini tho."



Ruoth Nyasaye nowacho niya, "Ok ber mondo dhano obed kende. Omiyo abiro miye ng'at ma konye." Nyasaye nokelone Adam winy gi le duto manie thim.



Adam nomiyogi nyingga gi duto. Nyaka bed ni Adam ne riek ahinya mondo ne omi le gi nyingga gi duto. Kuom winy gi le duto manie thim, ne onge ng'ama nyalo konye kata dak kode.

Nyasaye nomiyo Adam nindo matut ahinya. Nogolo ng'et Adam achiel konindo ma ochueyo ne Adam dhako. Dhako mane Nyasaye ochueyo ne Adam ne obet jakony mar Adam ma owinjore kode.



Nyasaye nochueyo gik moko duto kuom
ndalo auchiel. Nyasaye nogwedho chieng'
mar abiriyo ma okete chieng' mar yueyo.
Adam gi Hawa ne nigi ngima gi mor moloyo
e puodho mar Eden, kane girito chik
Nyasaye. Nyasaye ne en RUODH GI,
Jachiwo margi, kendo Osiep gi.



Kane Nyasaye ochueyo gik moko du

Sigana ma owuok kuom Wach Nyasaye,
maen Muma Maler

yudore e

Chakruok 1-2

"Tiend wacheni koel, to kelo ler."
Zaburi 119:130





Giko



Sigana mar Muma Malerni puonjowa kuom
Nyasaye Hono mane ochueyowa kendo dwarz mondo wang'eye.

Nyasaye ong'eyo ni wasetimo gik ma ok beyo, ma Oluongo ni richo. Kum mar richo en tho, to Nyasaye oheri ahinya omiyo nooro wuode ma miderma, Yesu, mondo otho e Msalaba kendo okaw kum mar richowa. Bang'e, Yesu nochier kendo nodhi e Polo! Ka iyie kuom Yesu kendo ikuaye mondo oweni richoni, obiro weyoni! Obiro donjo sani ei chunyi kendo odak kodi, in bende ibiro dak Kode nyakachieng'.

Ka iyie ni ma en adieri, wachne Nyasaye kama:
Jahera Yesu, ayie ni In Nyasaye, mane odoko dhano kendo otho ne richona, to koro ingima kendo. Akwayi ni idonj ei chunya, kendo iwena richona, mondo abed gi ngima manyien sani, mondo chieng' moro achiel adhi adag kodi nyakachieng'. Konya mondo awinj Wachni kendo adag kaka Nyathini. Amin.

Som Muma Maler kendo wuo gi Nyasaye pile ka pile!
Yohana 3:16

